

AUGLÝSING

**um staðfestingu á stjórnunar- og verndaráætlun
friðlandsins að Fjallabaki, Rangárþingi ytra.**

Samkvæmt 3. mgr. 81. gr. laga um náttúruvernd, nr. 60/2013, hefur umhverfis- og auðlindaráðherra staðfest stjórnunar- og verndaráætlun fyrir friðlandið að Fjallabaki, Rangárþingi ytra. Einnig hefur ráðherra staðfest eftirfarandi reglur um dvöl og umferð sem settar hafa verið fram í stjórnunar- og verndaráætluninni í samræmi við 2. mgr. 81. gr. laga nr. 60/2013:

1. gr.

Kvikmyndataka, ljósmyndun og viðburðir skulu ekki trufla dýralíf innan friðlandsins og truflun af þeirra völdum gagnvart öðrum gestum skal vera í lágmarki. Kvikmyndataka, ljósmyndun og viðburðir sem hafa í för með sér hættu á jarðraski, truflun dýralífs, umferðar eða upplifun annarra gesta er háð leyfi Umhverfisstofnunar. Stofnuninni er heimilt að setja skilyrði þegar slík leyfi eru veitt, sbr. kafla 3.6.4.

2. gr.

Landverði eða umsjónaraðila svæðisins er heimilt að loka tímabundið gönguleiðum vegna verndunar gróðurs og jarðminja eða þegar leiðin er ekki greiðfær og beina gestum svæðisins um aðrar leiðir ef þess er kostur. Samráð skal haft um slika ákvörðun við hlutaðeigandi sveitarfélag og fulltrúa ferðaþjónustu og útvistarfólks, sbr. kafla 3.7.7 og kafla 3.8.

3. gr.

Á gönguleiðinni um Grænagil er einstefna, sbr. kafla 3.7.7. Upphaf gönguleiðarinnar er vestan við Laugahraun og endar á áreyrum Jökulgils.

4. gr.

Ávallt skal fylgja skilgreindum gönguleiðum þar sem þær eru til staðar. Á svæði 1 skal fylgja göngustígum í hvívetna og ekki ganga utan þeirra nema að fengnu leyfi Umhverfisstofnunar, sbr. kafla 3.7.7 og korti í viðauka V og VI. Undanskilið banninu eru leitar- og björgunaraðgerðir og starfsemi Landhelgisgæslunnar, sbr. reglugerð nr. 60/1998 og reglugerð nr. 1185/2012.

5. gr.

Aðeins er heimilt að fara með hópa, 15 manns eða færri, um gönguleiðirnar að Rauðafossi og upptökum árinnar, að Grænahrygg um Sveinsgil og í Hattver. Séu hópar stærri skal haft samráð við landverði eða umsjónaraðila friðlandsins, sbr. kafla 3.7.7.

6. gr.

Hjólreiðar eru óheimilar á gönguleiðunum um Grænagil, á Bláhnúk, um Uppgönguhrygg og að Rauðafossi, sbr. kafla 3.7.9.

7. gr.

Óheimilt er að lenda þyrlum og öðrum mönnuðum loftförum á svæði 1, sbr. kort í viðauka V og kafla 3.10. Undanskilið banninu eru leitar- og björgunaraðgerðir og starfsemi Landhelgisgæslunnar, sbr. reglugerð nr. 60/1998 og reglugerð nr. 1185/2012.

8. gr.

Óheimilt er að lenda flugvélum innan friðlandsins nema að fengnu leyfi Umhverfisstofnunar, sbr. kafla 3.10. Undanskilið banninu eru leitar- og björgunaraðgerðir og starfsemi Landhelgisgæslunnar, sbr. reglugerð nr. 60/1998 og reglugerð nr. 1185/2012.

9. gr.

Á svæði 1 gilda ekki ákvæði um undanþágur frá akstri utan vega skv. 31. gr. laga nr. 60/2013 um náttúruvernd, sbr. kort í viðauka V og kafla 3.7.10 og 3.7.10.1 nema að fengnu leyfi Umhverfisstofnunar. Undanskilið banninu eru leitar- og björgunaraðgerðir og starfsemi Landhelgsgæslunnar, sbr. reglugerð nr. 60/1998 og reglugerð nr. 1185/2012.

10. gr.

Óheimilt er að fljúga fjarstýrðum loftfórum (dróna) innan friðlandsins á tímabilinu 15. júní – 15. september sbr. kafla 3.10 nema að fengnu leyfi Umhverfisstofnunar. Þó er heimilt að nota fjarstýrð loftför, ef nauðsyn krefur, vegna leitar- og björgunaraðgerða og vegna umsjónar og eftirlits Umhverfisstofnunar. Minjastofnun Íslands hefur sömu heimildir vegna skráningar og rannsókna á menningarmínjum. Að öðru leyti skal farið eftir reglugerð nr. 990/2017 um starfrækslu fjarstýrða loftfara, sbr. kafla 3.10.

11. gr.

Næturgisting er einungis heimil í skálum og á skilgreindum tjaldsvæðum innan friðlandsins. Tjöldun á öðrum stöðum en í Landmannahelli, Landmannalaugum og Hrafntinnuskeri er háð samráði við landverði eða umsjónaraðila friðlandsins, sbr. kafla 3.7.5.

12. gr.

Gæludýr skulu ávallt höfð í bandi á fjölförnum gönguleiðum, áningarástöðum og þar sem hætta er á trufun á dýralífi eða á upplifun fólks. Ávallt skal fjarlægja úrgang úr gæludýrum á göngustígum og áningarástöðum ferðamanna. Undanskildir eru hundar í leitar- og björgunaraðgerðum og smalahundar, sbr. kafla 3.4.3.

13. gr.

Rekstur hesta er einungis heimill á megin reiðleiðum en óheimill á þeim leiðum þar sem aðeins er gert ráð fyrir að farið sé um með einn hest til reiðar, sbr. kort í viðauka III og kafla 3.7.8.

14. gr.

Óheimilt er að beita hrossum í friðlandinu, sbr. kafla 3.7.8.

15. gr.

Athafnir sem geta haft áhrif á friðlandið, s.s. jarðrask, mengun vegna úrgangs eða fráveitna, áhrif á loftgæði, ásýnd svæðis eða hafa áhrif á umferð og/eða upplifun annarra gesta, eru óheimilar nema að fengnu leyfi Umhverfisstofnunar, sbr. kafla 3.7.

Stjórnunar- og verndaráætlunin öðlast þegar gildi.

Umhverfis- og auðlindaráðuneytinu, 6. apríl 2021.

Guðmundur Ingi Guðbrandsson.

Sigríður Auður Arnardóttir.